



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Vita S. Lamberti Martyris, Episcopi Tungrensis: Leodiensis  
Ciuitatis, & Ditionis Divi Tvtelaris**

**Roberti, Johannes**

**Leodii, 1633**

Capvt XXVII. Dei & S. Martyris Lamberti de sacrilego Dodone, cæterisque  
Sicarijs Vindicta.

**urn:nbn:de:hbz:466:1-44084**

## CAPVT XXVII.

DEI & S. Martyris LAMBERTI  
de sacrilego Dodone, cæterisque  
Sicarijs Vindicta.

**V**I DIMVS hactenus, quibus suū  
Martyrem honoribus Deus  
tum affecerit ipse; tum ab homini-  
bus cuiusque generis, affici voluerit.  
Videamus iam, quo dedecore, & qui-  
bus supplicijs percussores eius affe-  
cerit.

Dodonem primo loco propone-  
re placet, omnis malitia principem,  
& omnium facinorosorū antesigna-  
num. Viderat ille, quod adeò opta-  
bat LAMBERTI, & tot aliorum, à se,  
vel patratam, vel iussam necem. At  
vicissim LAMBERTVS, cum iam lon-  
gè abesset ab omni vitioso affectu,  
& aberrandi periculo; cum inter eos  
esset, qui Faciunt vindictam in natio-  
nibus, increpationes in populis: (nam  
gloria hac omnibus sanctis eius) vidi-

Dodonis

Dodonis finem planè tragicum, ut  
ecce narramus.

Vix abierat annus à Martyris cæ-  
de, cū plagâ diuinitus immissâ hor-  
rendo exitio interiit, LAMBERTO  
vtique vltionem expertente. Quod  
ne me in vanum iactare censeas;  
testem affero, quem nemo iure reij-  
ciat. Amalgisilus quidam erat, in  
LAMBERTI adhuc viuentis tribunali  
Iudicis officio functus. Huic LAM- LAMB.  
BERTVS noctu appetet, aitque, se Dodonis  
Româ redire, & iam cogitare, DEO exitium  
ita iubente, de Dodone, socijsque si- indicat.  
carijs, vindictam sumere, quam in-  
nocentum sanguis, cum suo effusus,  
à DEO, iusto Iudice, magno clamo-  
re exposceret.

Vanum non fuisse visum, secutus  
propere ostendit eventus. Siquidem quod  
miserabilis Dodo aliquanto pòst, mox sè  
viscera omnia, fœda putredine cor- cutens.  
rupta, inaudito exemplo, cum excre-  
mentis, per turpissimi oris sui cauer-  
nam egressit. Ad hoc, vermium vis.  
corpus

corpus eius totum sic occupauit, ad-  
huc viuentis, sic depasta est; facile  
ut appareret, eorum esse prænun-  
tios, qui apud inferos animam simul  
cum corpore, æternum voraturi,  
nunquam consumuntur sunt.

Ad extremum, fœtor tam imma-  
nis fuit, ut, cum illum, nec viuum,  
quisquam ferre posset, nec post ex-  
halatam infelicem animam corpus  
de more, terræ mandare: in Mosæ  
vndas, meliore consilio non occur-  
rente, præcipitatum sit. Hic pessimi  
sacrilegi exitus clare ostendit, quod  
similibus fere supplicijs consumtus  
Anthiochus Tyranus in Machabæis  
extremo veriuerbio effatus est: *Iustū  
esse, hominem non paria Deo sentire.*

Iam nefarij ducis nihilo meliores  
satellites, pessimis & ipsi exemplis  
excruciati, intra anni circulū, omnes  
fere periēre. Et quidem qui tectum  
domiciliij LAMBERTI concendere  
ausus fuerat, & ex ipso, sacro sanctum  
pectus, & cor tránsuerberauerat; non  
diu

*Secuti  
Ducem  
Satelli-  
808.*

diutantum nefas impunè tulit. Eodem enim die, ad prædam versus, ortâ rixâ, ut sit, cum fratre suo germano, infestis armis congreditur; quo in iurgio fratrem confudit, ab ipso viciissim confossus. Sic sanguinis LAMBERTI, sanguinem ipse & fratris, & suum, properâ Numinis vindictâ, refudit. Hoc prius narrare poteram. Sed oportunius visum, hunc in locum reiicere.

E reliquâ impiâ turbâ, alij alio tempore; sed omnes intra annum, vt dixi, mutuis similiter vulneribus ceciderunt. Nonnulli à nefarijs spiritibus arrepti, & dire vexati, infelices animas vultantes proiecerunt. Pauci ex omni numero euasisse visi: sed eiusmodi vitam trahentes, vt quodvis exitium præoptarent.

Neque verò ipsi Principi Pipino impude fuit, sacrilegum facinus, vel non impedisse ( iussisse non putamus ) vel non vindicasse. Post Sacrarum Martyris Reliquiarum  
Transla-

## 176 VITA S. LAMBERTI

Translationē (de quā mox dicemus) cum ipse Pipinus ē morbo languens decumberet: Grimoaldus eius filius, natu maior, quem ex Plectrude, legitimā coniuge susceperebat, & qui tum Maiorem-Domus apud Childebertum, Franciæ Regem, agebat, in Austrasiam venit, vitendi Parentis causā. Is LAMBERTVM in amori bus semper habuerat, & vt Sanctum coluerat: sed tum maximè, cum eum fatigata vidisset pro Plectrudis matris eius matrimonio. Ergo, indignā eius morte auditā, graui doloris iectu saucius, & maiore, quām vñquam erga defunctū veneratione, animo affectus, Legiam se contulit, gratias acturus in loco, vbi pro tam iusta causa occubuerat.

Hic dum precibus, & supplicijs intentius totum sē impendit: satelles quidam Rabbodonis Frisionū Ducis, incertum quā causā, inopinatō cum aggressus, ante ipsam Aram Martyris obtruncat. Neque impio homini

Pipinus  
filij san-  
guine  
luit.

latus

homini curæ fuit, eiusdem Rabbo-  
donis gnatam, Grimoaldo fuisse def-  
ponsatam, & in proximo fuisse, ut  
cum ea nuptijs copularetur. Felicem in hac infelicitate dixerim Gri-  
moaldum, qui eodem, quo LAM-  
BERTVS, loco, animam posuerit,  
& in eius obsequio. Neque dubitan-  
dum mihi videtur, quin tam piam  
animam, ipse Sanctus Martyr, in  
Beatorū sedebus, penes se locauerit.

Sed Pipinus interim non potuit  
non vehementer percelli, dum pœ-  
nas à suo sanguine repeti videt, &  
LAMBERTI necis, & suæ libidinis, ac  
fœdæ incontinentiæ. Cæterum, vt  
appareret, quām non placuisse Deo  
Grimoaldi cædes; Dux Rabbodo,  
cuius ea iussu patrata erat, in paucis  
diebus, quām hæc contigerant, à  
Cacodæmoni ludificatus perijt.

M CAP.